

JEHOVAH SUCCURRENTI.
DISQUISITIONIS ACADEMICÆ,
ENODATURÆ QUÆSTIONEM:
**AN CLIMATA
IN
MORES GENTIUM
INFLUANT?**

PARTEM PRIOREM,
Ex Suffragio Ampl. SENATUS Phil. ad Reg. Acad. Aboëns.
PRÆSIDE
**MAG. JOHANN E
BILMARK,**
HIST. & PHIL. PRACT. PROF. REG. & ORDIN.
BEN. ERUDITORUM CENSURÆ MODESTE
SUBJICIT
JOHANNES STRÅHLMAN, Carol. Fil.
RUSSIA - WIBURGENSIS.
DIE XX. DECEMB. ANNI MDCCLXVIII.
IN AUDIT. MINORI *tempore ante merid. consueto.*

A B O Æ
Typis JOH. CHRISTOPH. FRENCKELL.

A SON EXCELLENCE,
MONSEIGNEUR Le COMTE,

J E A N
GREGORIEVITZ
CHERNICHEV,

LIEUTENANT-GENERAL des Armées, CHAMBELLAN ACTUEL, MEMBRE du Collège de l'Admirauté & CHEF des Galères de SA MAJESTE IMPERIALE de Toutes les Russies, SON AMBASSADEUR EXTRAORDINAIRE à la Cour de la Grande Bretagne, CHEVALIER des Ordres de l'Aigle Blanc & de S:t ANNÉ.

MONSEIGNEUR.

Souffrez, MONSEIGNEUR, je Vous en supplie, que je me prenne la bardiesse de Vous présenter ces peu de feuilles, dans lesquelles je tache à montrer, que les mœurs des peuples ne dependent point de l'influence des Climats. La question est assez problematicque, mais

mais elle peut, comme je le crois, être décidée par des raisons & particulièrement par les expériences rapprochées & comparées les unes avec les autres. Dès qu'elles sont authentiques, leur combinaison doit former un démonstration bien supérieure aux autorités, qui après tout ne sont que des opinions particulières. C'est de cette manière que Vous, MONSIEUR, traitez les matières les plus délicates soit de la Politique soit des autres disciplines, dans les quelles au défaut d'une exacte démonstration, on est contraint à s'élever par divers degrés de probabilité. Vos lumières aussi bien que Vos vertus & Vos actions heroiques sont l'objet de l'admiration d'un chacun. Les unes & les autres prouvent suffisamment, que notre Climat, quoique moins heureux, s'il en faut croire quelques Savans, produit aussi les plus grands génies & les ames les plus généreuses. C'est VOTRE générosité, MONSIEUR, qui m'a comblée des bienfaits, qui surpassent même mon espérance. Je devrois Vous en témoigner ma plus profonde reconnaissance, mais la grandeur de Vos grâces confond la petitesse de mon génie. Que VOTRE EXCELLENCE daigne, s'il LUI plaît, accepter cette petite dissertation avec la bonté qui LUI attire les vœux de tout le monde & qui LA fait ne dédaigner point les hommages sincères des moindres particuliers. Rassuré par ce moyen, je serai avec la plus profonde vénération

MONSIEUR

Votre très humble & très obéissant serviteur

JEAN STRÄHLMAN.

VIRO plurimum Reverendo atque Clarissimo,
D:no CAROLO STRÅHLMAN,
Ecclesiae, quæ in Walkiajärfvi Deo colligitur, PASTORI
Dignissimo, vigilantissimo,
PARENTI INDULGENTISSIMO.

Nihil unquam antiquius, nihil æquius omnium gentium consensu est, quam pro acceptis beneficiis gratiam reserre. Felices itaque sunt habendi, quorum patitur conditio, & quibus offert sese occasio, gratum animum erga benefactores declarandi; eorum autem e contrario vices dolendæ, quorum vota & conamina sufflamminat sinistra sorte. Horum e numero me esse confiteor, cui ad molem beneficiorum, quibus TU, PARENTS INDULGENTISSIME, n illo non tempore me cumulasti, recensendam ne dum debitis encoris prædicandam, nec sufficit dies, nec vita quantumvis longum spatium. TU, PARENTS OPTIME, non solum ut viverem, sed etiam ut bene viverem, prolixa TUA benevolentia effecisti. In hunc finem teneram adhuc ætatem meam, quantum officii TUI gravissimi partes permiserunt, bonis litteris imbuere grave haud duxisti. Et quum Patria domo excedere juberet studiorum meorum ratio, nulli ad eam promovendam pepercisti operi, nullisque sumitibus, sed TIBI potius, quam mihi deesse semper voluisti. Verbo: quicquid possideo, post DEum TIBI est tribuendum. Sed quid pro tantis in me meritis retribuam, nihil occurrit, præter animum gratissimum, cui, dum vixero, insculpta manebit taatorum meritorum memoria. In pignus pietatis nunquam intermoritura TIBI exiguae halce pagellas offero, enixe rogans, velis eas benigna fronte suscipere, eademque, quo solitus es, affectu in posterum quoque me prolequi. Meum vicissim erit, omnem mouere lapidem, ut spem, quam de me concepisti, implere ac dignos TE PATRE filius evadere possim. De cetero vota fundere calidissima nunquam desistam, velit summus rerum Moderator, TE OPTIME PARENTS, cum MATRE CARISSIMA in annos beas multos salvum sospitemque servare, in Ecclesiae commodum atque incrementum, & nostrum, quotquot TUI sumus, fulcrum ac emolumentum certissimum. Ita roget

PARENTIS INDULGENTISSIMI

silius obedientissimus
JOHANNES STRÅHLMAN.

S. I. N. IS

§. I.

In consideratione hujus universi tot tamque stupenda nobis quotidie obveniunt magnalia Divina, ut, qui omnem intellectus aciem non amiserit, aut in meridiana luce sponte sua non cæcutiatur, non possit non Summi Numinis existentiam agnoscere, Ejusque sapientiam, bonitatem & omnipotentiam cernous venerari. Si enim magnum quid & Tanto Opifice dignum opus cognoscere gestiamus, occurruunt nobis ingentia mundi corpora in spatio ejus amplitudinis posita, ut capacissimum etiam ingenium humanum ipsius immensitatem adsequi haud valeat, sed cognitione sua confundatur, & tamquam guttula in vasto oceano absorbeatur. Si vero subtilia magis placeant, nec hic terminum invenimus; quum corpora, quæ minima nobis apparent, sint infinite magna respectu aliorum, quæ armati detexerunt oculi, at quanto majora, si cum illis conferri possent, quæ sensus nostros plane subterfugiunt

A

&

& exquisitam quantumvis industriam humanam exigua sua mole eludunt? Est quoque in Oeconomia Divina illud peculiare, quod nullum ferme sit corpus tam magnum ut non majus inveniatur, nec ullum adeo exiguum, ut non minus existat; quod plurimis exemplis declarari posset, si id nunc ageremus; unicum tamen in medium attulisse juvabit. Globum hunc Terraqueum, quem incolimus, si ipse in contentionem veniat cum systemate nostro solari, vix puncti cujusdam vicem sustinere, satis docent Astronomi. Si autem cum homine, quem honoris causa Microcosmum dixerunt, comparetur, stupenda prorsus esse molis, fugere potest neminem. Sed mittimus cætera corpora & animum simul ac oculos in illa, quæ ad propositum nostrum tantum pertinent, defigimus. Homines, spatioſiſſimi ſui domi-
cili cognitionem ſibi acquirere cupientes, ne nimia ejus amplitudine confunderentur, ut tamen diversam telluris indolem, qua calorem & frigus, melius ſibi perspectam redderent, ſibi concipere fverunt glo-
bum nostrum terraqueum tamquam per varios circulos parallelos diviſum in quinque zonas & subdiviſum in alias veluti faſcias, quæ Climata vulgo nuncupantur. Quot gradus latitudinis unicuique climati ſint adſignandi, & quomodo recentiores Geographi a veteribus in numero climatū conſtituendo diſcrepent, non jam diſquirimus, ne falcem in alienam meſſam immiſſe judi-
cemur; ſiquidem ad majora nos vocet instituti ratio. Quum igitur quotidiana doceret experientia, quantum gentes invicem corporum ac animorum diſſimilitudine & diuerso habitu diſtarent, cumque ſimul conſtaret, quantum diuersa aeris temperies ad ſecundam vel adverſam valetudinem conſerat, ut & arctiſſima illa corpus atque animam inter detur coniunctio, qua binæ hæ maxime diuersæ ſubſtantiae modo nos latente in ſe agunt; hinc,

in-

inquam, Philosophi quidam Physicam quandam Moralem excogitarunt, opinantes, quod pro diversa cœli solique natura, diversæ quoque essent hominum vel ad virtutes vel ad vitia propensiones, multumque ac liberaliter differuerunt de influxu Cl̄imatū in mores Populorum. Licet autem hi argute satis suos subducant calculos, veremur tamen, ne vitium subreptionis in experiendo committant, & fictam causam pro vera nobis admodum obtrudant. Quocirca tamen non negamus, influxum cl̄imatū in corpora humana, ita ut pro ejus diversa indole alias aliasque in corporib⁹ excitet affectiones; simul tamen pro comperto habemus, quod inclinationes animi cuique propriæ non magis ab his affectionibus dependeant, quam quod externe tantum corpus afficiant. Esto itaque, quod a lata Philosophorum via aliquantum declinent nostra cogitata, rigidam tamen non extimescimus censuram, dum modo meditationes hæ, quod præstare conabimur, ad veritatis cynosuram sunt directæ.

§. II.

Quum satis constet, quod qua mores hominum magna fuerint inter philosophos sententiarum divertia; mirum est, unde tanta in re maxime ardua, qualem hypothēsin de influxu climatum in mores gentium censēmus, proveniat inter illos consensio. Quoscunque enim per volvamus Auctores, satis animadvertisimus, in eo tantum non omnes fuisse occupatos, quomodo inclinationes hominum ex cœli solique natalis indole explicare possent. Hoc testimoniis quibusdam, ut dictis fidem faciamus, declarare lubet. Notum est CYRI Regis judicium, qui rogatus a Persis, ut in feraciorem terram ipsos deduceret: *Ergo, inquit, ad serviendum vos parate. Mollis terra molles & demissæ indolis homines prodit.* *Non ejusdem regionis est, fructus & viros edere generosos (a).* Similiter CICE-

RO: *Sunt partes agrorum aliae, quæ acuta gignant ingenia, aliae quæ retusa. Quæ omnia fiunt ex cœli varietate & ex disparili adspiratione terrarum (b). In eundem sensum canit LUCANUS:*

*Omnis in Artois populus quicunque pruinis - - -
Nascitur, indomitus bellis & Martis amator - - -
Quicquid ad Eos tractus, mundique tempore
Labitur, emollit gentes clementia cœli (c).*

His addimus BESOLDUM: Sed si quis, ait, consideret orbem terrarum universum, ac item gentium, quibus incolitur, discrimina perpendat, fatebitur certe non illubens: ingenia hominum a situ sedeque regionis precipue formari & pro locorum varietate immutari, ac cuilibet regioni proprium quasi spiritum seu indolem ac genium agnatum esse. Etenim in omni gente per æstus succedentium saeculorum, mores animosque mutantium, hæret vis quædam inconcussa, quam hominibus, pro conditione terrarum, in quibus nasci contigerit, sua fata divisorunt (d). Si quis plura desideret testimonia, adeat HERODOTUM (e), CURTIUM (f), FLORUM (g), VITRUVIUM (h), TACITUM (i), VERULAMIUM (k), BODINUM (l), BARCLAJUM (m), VALCHIUM (n), BUDDEUM (o), CLARAMONTIUM (p), aliosque; quem multo major sit numerus horum, quam ut commode omnes hic enumerari possent. Contemplemur potius commune illud schema, quod ex sententia plurimorum Auctorum, rationem morum cujusque gentis ante oculos ponit, diversamque indolem, quam pro cœli sole que varietate nanciscuntur gentes, dispiciamus. Sicut igitur Australes majorem & diuturniorem experientur solis calorem; ita tenuiores humores & ignita magis ac vivida ingenia habere creduntur. Hinc ad cogitandum acuti, ad intelligendum expediti, ad capienda consilia parati & ad cayenda pericula circumspecti dicuntur. Sed quo-

quoniam intenso laborant calore externo, affectus quoque eorum vehementiores fiunt ac turbidi; unde ea omnia admodum sectantur, quæ sensus eorum ssvaviter adficiant, tam in libidinibus quam in omnis generis luxu modum ignorantes. Parum etiam constantes, voluptatibus quippe fracti & adeo enervati, ut ad levissimum quodvis incommodum animum despondeant. Hinc apud plures deprehendimus in victu potuque moderationem, in generandam sobolem evanidos conatus. Si plura desideres: Sicut copiosa atræ bilis illuvies corpori retorridam maciem affundit, ita animum ad moestitiam, malitiam, vafritiem, invidentiam, odia, crudelitatem, pigritiam, servilem humilitatem, vanam superstitionem & in consilio suscipiendo tarditatem, dejicit. Contra ea Boreales dicuntur hebetiori esse ingenio, acie que mentis obtusa, humorum spirituumque obsepti nebulis, ut quum sol offusa caligine minus elucescit. Porro his tribuunt virium pollutum firmitatem, corporis vasti robur, magnitudinem animi, periculorum & adversitatum contemtricem, cupiditatum moderacionem, serenæ frontis hilaritatem, mentem apertam fraudumque versandarum rudem, impetus in iracundiam tardos, ingenuam suis vivendi legibus libertatem, motus animorum stabiles ac diurnos; adeo ut, si Auctores hos sequamur duces, fatendum sit, quod natura Australium ingenii, sed Borealium corporibus impense consuluerit. Denique ad ipsius quoque soli indolem in hunc ferme modum componi feruntur hominum mores. Si ferox planumque illud fuerit, effeminati evadunt homines & in omnem luxuriam soluti. Quis enim, quæso, ignorat, quod Campanæ fertilitatis copia & seplasifaria castra Punicam ferociam emoliverint. Si sterile: incolæ laborum patientes, ingenii acumine pollentes & sobrii evadunt. Qui in umbraculis arborum

habitant, mitia inde habent ingenia. At in locis planis & ad omnem auræ violentiam patentibus asperior est indoles. Quibus ut corpora sunt robusta, laboribus adsveta, membra articulata & cutis hispida, ita animus pertinax, iracundus & ferax, si commoveatur, quod tam
men saepe non contingit. Idem ad ventorum fugaci-
um naturam, inquieti, mobiles, factiosi novarumque re-
rum appetentes dicuntur. Si in jugis montium confede-
rint, mores ipsis cautibus asperiores contrahere existi-
mantur. A marinæ quoque auræ adflatu inclinationum
quædam oritur ferocia, periculorumque atque imperii,
ad trucis indolem elementi, contemtrix. Ut alia reti-
ceamus argumenta, quibus ad cœli & soli naturam mo-
res hominum confirmari, multi tam sibi quam aliis
persuadent.

(a) Vid. HERODOTI *Calliope*. (b) Conf. *Libr. I.*
de Divinitat. c. XXXVI. (c) Vid. *Pbarsal. Libr. VIII.*
v. 362 seqq. (d) In *Dissert. de Natura popolorum &c.* p. 5.
(e) Vid. *Libr. modo citat.* (f) *Libr. VII. Cap. III. §. 6.*
Item *Libr. VIII. Cap. V. §. 20.* (g) Vid. *Libr. III. Cap.*
IV. §. 4. (h) Vid. *Libr. V.* (i) Vid. *Agric. Cap. IX. §. 4.*
adde GRUT. *Dissert. XLV. ad TACIT.* (k) *De vicissit.*
rerum. Serm. 56. (l) In *Metb. Histor. cap. V.* & *de Repub-*
blica Libr. V. Cap. I. (m) Vid. *Icon. animor. Cap. II.*
(n) Vid. Ejusdem *Lexicon Philosoph.* in primis sub titulo
Naturell der Selen p. 1864. seq. (o) *In Philosophie In-*
strument. Cap. II. Sect. III. §. XLII. & XLIII. (p) *De*
moribus gentium Libr. I. Cap. VI. Quibus omnibus ad-
dimus NEUHUSII *Theatrum Ingeniorum* atque *Essais sur*
le genie & le Charactere des Nations.

§. III.

Hypothesin de influxu Climatuum in mores populo-
rum non solum adoptavit illustris MONTESQUIEU, sed
ean-

eandem quoque variis argumentis, ex natura corporum petitis, acutissimo, quo pollebat, ingenio corroborare annis est. Scilicet quum exteriōres fibrarum corporis nostri extremitates frigore contrahantur, hinc augetur tam illarum elasticitas & firmitas, quam circulatio sanguinis, adeoque corpus evadit robustius. Contra ea in tepido aere & qua longitudinem & qua latitudinem extenduntur fibræ; quo facto, imminuitur earum elasticitas & simul corporis robur. Unde sequitur, quod major omnino vigor emicet in populis borealibus, quam in australibus. Ex quibus concludit illustris Auctor: *Cette force plus grande doit produire bien des effets: par exemple, plus de confiance en soi-même, c'est-à dire, plus de courage; plus de connaissance de sa superiorité, c'est-à dire, moins de désir de la vengeance; plus d' opinion de sa sûreté, c'est-à dire, plus de franchise, moins de soupçons, de politique & de ruses.* Enfin, cela doit faire des caractères bien différens. Mettez un homme dans un lieu chaud & enfermé; il souffrira par les raisons que je viens de dire, une défaillance de cœur très grande. Si dans cette circonstance on va lui proposer une action hardie; je crois qu'on l'y trouvera très peu disposé; Sa faiblesse présente mettra un découragement dans son ame; il craindra tout, par ce qu'il sentira qu'il ne peut rien. Les peuples des pays chauds sont timides, comme les vieillards le sont; ceux des pays froids sont courageux, comme le sont les jeunes-gens (*a*). Ulterius quum curiosa didicisset observatione, exiles illas papillas, quarum contactu sensatio absolvitur, caloris actione intumescere & extantiores fieri, frigore autem deprimi & rigidiores evadere, hinc concludit, majorem sensibilitatis gradum competere populis meridionalibus, quam borealibus; quam conclusionem egregie comprobat quotidiana experientia. Hinc argumento connectendo concludit: *Dans les pays froids, on*

aura peu de sensibilité pour les plaisirs ; elle sera plus grande dans les pays tempérés ; dans les pays chauds, elle sera extrême. Et nonnullis interjectis : Vous trouverez dans les climats du Nord des peuples qui ont peu de vices, assez de vertus, beaucoup de sincérité & de franchise. Approchez des pays du midi, vous croirez vous éloigner de la Morale même ; des passions plus vives multiplieront les crimes ; chacun cherchera à prendre sur les autres tous les avantages qui peuvent favoriser ces mêmes passions (b).

(a) Vid. *L'Esprit des Loix* par Mr. MONTESQUIEU Tom. II. 65. 66. (b) Vid. *Libr. citat. p. m.* 68. & 69.

§. IV.

Quamvis non ignoremus, quod illustris MONTESQUIEU ob vastam eruditionem & multam rerum peritiam tantam nominis celebritatem sit consecutus, ut inter autores Politicos Classicus a multis habeatur, quamvis etiam honori populorum borealium non minus, ac ipse, velificemus; opinioni tamen allatae adsurgere non possumus, siquidem argutis ejus ratiociniis non tantum roboris, quantum ipse existimat, inesse deprehendimus. Concedimus equidem, corpora tantum non omnia per frigus condensari & in minus volumen ridigi; si vero fibræ corporis humani, frigoris vehementia juxta tres dimensiones insigniter diminuerentur, alia omnino existerent phænomena Physica & Moralia, quam quæ sibi persvadet MONTESQUIEU. Imminuta enim vasorum, sanguinem & alias humores deferentium, diametro, vitamen cordis propellente existente eadem, fluidi propuli velocitas non solum necessario increaseret, ut vult MONTESQUIEU, sed etiam, quoniam adfectus consistunt in extraordinario sanguinis & fluidi nervosi motu,

se-

Sequeretur, vehementiores esse populorum Borealium, quam Meridionalium affectus; cui conclusioni ipsa refragatur experientia. Nec reticendum, quod cum calor corporis internus præcipue oriatur ex frictione fluidorum ad parietes vasorum: frictio autem major sit in coarctatis Borealium, quam in expansis Australium venis, rursus sequatur, calorem internum multo majorem esse apud illos, quam apud hos; adeoque invertenda sunt illa ratiocinia, quæ de propensionibus ad virtutes vel vitia ex diversitate graduum caloris, populis memoratis tribuuntur. Dum hæc ipsa ad vivum resecamus, facilis oritur suspicio, quod in adplicatione principiorum Domini MONTESQUIEU aliquod lateat vitium. Quamvis igitur non negemus, quin frigus brumale adficiat corpus nostrum, cor tamen propellendo sanguinem impedit, ne frigus alte penetreret, sed extimam tantum superficiem stringat, adeoque differentia magnitudinis hieme & aestate parum diversa videtur, dum corpus modo sanum ponimus. Finge contrarium, frigorisque vim permeare corpora; & cum condensatis vasibus condensarentur etiam his contenti humores, frigoris quippe impatientes; Unde non solum torpor ac defectus virium induceretur, sed etiam corpora variis infirmitatibus exponerentur, imimo vita admodum periclitaretur. Quum itaque differentia partium corporis nostri, qua magnitudinem, frigore & calore vix sensibilis sit, vix sensibiles quoque effectus, qua vigorem corporis, ex ista caussâ arcessere licet, nedium disparitatem mentis humanæ hinc repetere debemus. Admissò iterum contrario, prono simul, ut dicitur, alveo flueret, quod in virtutes magis pro penderemus, dum frigore urgente sub dio versamur, quam dum cæmeram foco accenso modice calefactam ingredimur: quam morum Staticam vix vertumnus quidam admitteret. At, objiciat quis, nonne experientia

satis docet, quod frigore alacriores & quasi erectiores, æstu autem torpidiores & animis dejectiores reddamur. Concedimus hoc fieri, ne morosi forte videamur; sed simul nobis prævia experientia dari postulamus, quod minus alacres simus, sive nimio frigore sive nimio calore adfigamur, & quod in temperato aëre egregie nos geramus. Quare alacritas hybernalis, ut nos existimamus, non ex frigore tantum, sed inde provenit, quod aërem purum & copiosum tunc spiremus, sicut languor æstivalis inde oritur, quod aës sit & rarefactus & variis exhalationibus inquinatus. Si enim aer sit hieme frigidus quidem, sed simul humidus, quod non raro contingit, frigus impedire nequit, quin vigor corporum imminuatur. Nec hoc loco erit silentio prætereundum, observationibus Meteorologicis adfatum constare, multo maiores esse quotannis frigoris & caloris vicissitudines in terris borealibus, quam australibus; quare si cœli varietatem sequeretur morum diversitas, constantia illa, quam Septentrionalibus populis merito tribuit MONTESQUIEU, lubrico admodum staret talo. Quod denique ad sensualitatem attinet, qua multi, in primis meridionales, adeo laborant, ut violentæ ejus dulcedini graviter interdum succumbant, non equidem negamus, quin vehemens æstuantis imaginationis actio in teneriores corporis fibras multum momenti trahat; hanc vero teneritatem non a sola regionum mollitie esse derivandam, vel inde patet; quod etiam apud nos dentur homunciones, qui ad Musicae modulamina non raro voluntaria æmulentur deliquia.

§. V.

Si porro originem opinionis de influxu Climatuum in mores populorum indagare velimus, ad illa tempora a nostra ætate haud ita remota erit recurrendum, quibus

bus Astrologiae Judicariæ studentes homines, in effingendis domibus cœlestibus, & inde computandis mortaliū fatis fuerunt occupati. Haud opus est, ut prolixe nunc exponamus, qualia morum phænomena ex diversa siderum positione nobis exponant isti scioli, qui licet se ipsos vix modice cognoscant, in regionibus tamen cœlestibus adeo sunt versati & planetarum actiones ita in numerato habent, ut, quantum quilibet planeta ad indolem hominum formandam valeat, si non argumentis demonstrare, alto tamen supercilios ostendere soleant; sed senior saniorque ætas istes dudum turbavit circulos, quos negotiosa vanitas cœlo intulit, Astrologiæque placita homine prorsus indigna judicavit, Nec enim concipere nos possumus, cur, quum facies cœli, ex continuo planetarum motu quovis momento mutetur, & momentum nativitatis hominis difficulter determinetur; ex incertis adeo principiis, certi tamen animorum habitus prædicti queant. Neque excogitari potest ratio, cur etiam ex duobus, eodem temporis articulo natis, alter sceptrum consequatur, & vastis imperet regionibus, alter autem in pistrino vitam inter extrema quævis transigat. Præclare idcirco TULLIUS dixit: *Num omnes, qui Canensi pugna ceciderunt, sub uno astro fuissent (a).* Præerea quum radii a Luna repercussi, quamvis ipsi vividissimi & luna nobis proxima sit, ne minimam quidem mutationem Thermometro, in foco speculi caustici posito, inducant, multo minus ad indolem corporis & hinc animæ mutandam valebunt. Quare quum ceteri planetæ multo longius tam a nobis, quam quidam eorum etiam a sole absint, multo adhuc minus ipsi ad diversam gentium indolem conferent. Nec omnino reticendum, quod cum planetæ intra Zodiacum suum absolvant cursum, atque imperium, si quod sit, in regiones sibi subjectas exerceant, non fa-

cile concipi possit, quomodo in alias telluris partes ita influerent, ut incolarum formarent indolem. Denique licet non negemus, gravitationem corporum universalem, recentioribus Observationibus Astronomicis stabiliteram; ignoramus tamen, quod ingenue fatemur, quam haec in corpora nostra inflexum habeat, nec nobis constat, an eadem pro diversitate Climatum quandam admittat diversitatem.

(4) Vid. de HAMEL Tom. I. Lib. II. p. 190.

§. VI.

Sicut argumentandi ratio, qua ex natura corporum cœlestium ad indolem corporum terrestrium concluditur, nimis longe petita videtur; ita parum sibi constant eorum placita, qui opinantur aërem & ipsum solum adeo influere in homines, ut pro utriusque diversitate diversæ existerent horum ad virtutes aut vitia propensiones. Etenim in aere, nos ambiente, inter alias proprietates distinguimus densitatem, raritatem, puritatem, humiditatem, elasticitatem, frigus & calorem, quæ affectiones non solum in varia locorum latitudine, sed in eadem brevissimo tempore, uti docent observationes Meteorologicæ, mutantur, nec quidquam hic constans deprehendimus, quod ad certum & distinctivum characterem, certis nationibus ingenerandum, valeret. Ulterius, si vis quædam morum plastica aëri inesset, aut haec adscribenda illi aëri, quem tum haurimus, dum in theatrum hujus mundi primum prodimus, aut illi, qui postmodum alimentis nostris mixtus in substantiam nostram forte convertitur. Neutrum admitti potest; docet enim experientia, quod ex rancidis tuguriis saepè prodierint homines, qui plura generosi & benefici animali specimina ediderunt, quam qui in splendidis palatiis, ubi purissimum continuo hauserunt aërem, nati du-

ducatique fuerunt. Deinde, quum in confessu sit, quod tenuiorem aërem absorbeant, qui in jugis montium, quam qui prope radices habitant; si ab aëris qualitate dependeret hominum indoles, monticolæ & qua corpus & qua animam moliores essent, quam qui in planicie vitam degunt; quod tamen experientia repugnat. Si autem quis urgeat, non solum aërem, sed contentas etiam in ipso exhalationes in censum venire debere, mox mentem subit, quod quamvis vapores in adsensu suo leges Hydrostaticas pressæ non sequantur; probabile tamen sit, quod in cacuminibus montium tenuiores ipsi sint & parciores, quam prope radices; unde, ceteris paribus, eadem formanda conclusio, experientia tamen contraria, quam modo attulimus. Immo, quum ad cacumina montium concurrant vapores ex variis plagiis, quos Venti, at quanta horum inconstancia! huc detulerunt, si ab hac mixtura diversitas morum æstimanda foret, ceteris inconstantiores essent monticolæ, quod ne illi quidem adserunt, qui influxum Climatuum in mores populorum graviter crepant. Si porro ex regionum natura, ut plantæ quædam, qua calorem, ita incolæ, qua internam indolem, mutarentur, sequeretur hanc diversitatem ex perspiratis soli natalis esse arcescendam. Sed in terris Australibus ob intensiorem ac diuturniorem solis calorem ex terræ gremio eliciuntur copiosiores quin & crassiores vapores, quam in locis Arcto vicinis, qui proinde si permeent corpus, cum alios effectus producunt, tum cerebrum obstipant, adeoque imaginationis aciem obtundunt; qua tamen populos meridionales præ borealibus valere, plerique, forte non præter meritum, adserunt. Si dicas; exhalationes istas esse inflammabiles, ignitamque suam indolem corporibus primum, deinde animis communicare; ita quidem vivida Australium imaginatio sibi constabit, sed si-

mul mirari convenit, cur in populis vitali adeo aura fruentibus tantus inveniatur torpor, & quare in melancholiā adeo propendeant.

§. VII.

Quamvis allata hactenus argumenta quodammodo sufficiente convellendae opinioni de influxu climatum in mores popolorum, juvat tamen in controversia, tot auctoritatibus munita, quædam adhuc momenta addere. Constat igitur ex observationibus Medicorum, tantam esse omnium partium corporis humani perspirationem ut post septem circiter annorum spatiū, nihil fere eorum restet, quæ ante habuimus, novis particulis in decedentium locum continuo succrescentibus. Si itaque naturam soli cœlique nostræ sequerentur propensiones, concedendum, quod ubi sedem mutaverimus in terras diversæ latitudinis, septimo ad minimum anno mores etiam nostri catastrophē subirent, adeo ut indoles plane diversa existeret; cui tamen conclusioni nescio an quædam faveat experientia. Non equidem ignoramus, ingenium humanum non in annos tantum, sed in dies quoque & horas subinde esse mutabile, aut quod fluxus quidam & refluxus tam cogitationum, quam cupiditatum in nobis existat, sed in tanta varietate, quæ a valetudinī aliarumque circumstantiarum ratione dependet, pristina indoles sese semper conspiciendam præbet. Ulterius ponamus gemellos quosdam, ut eodem tempore natos, ita eadem vitali aura fruentes & simili educatione gaudentes, at quanta quæso, in tanta cœli solique convenientia, plerumque animadvertisit ipsorum qua mores discrepantia. Alter scilicet animo alacri virtutibus gnaviter studet, & si quando, quod humanum est, labitur, erecta tamen ejus indoles ipsum mox

mox sublevat, & in justam reducit semitam; alter autem sui aliorumque quasi oblitus, quo affectus trahunt, præcipitanter ruit, quicquid libet, sibi licere existimans; qui si egregium quoddam facinus subinde præster, Mechanismum quandam corporis, non beneficam animæ indolem animadvertisimus. Cogites enim geminos EAVUM & JACOBUM, in Scriptura Sacra memoratos, & oppido invenies, tantam in ipsis fuisse morum disparitatem, quantus cœli solique in ipsis effingendis fuerit consensus. Ex quibus in medium allatis adfatum constat, quod, qui influxnm aeris solique natalis in mores gentium adserunt, tot dubitationum labyrinthis involvantur, ut ex eisdem ne filo quidem Ariadnæ se ex pedire valeant; siquidem effectus adsumtis caussis tam parum respondent, ut quælicet hypothesis novis conjecturis, quarum una altera plerumque est ineptior, sit confirmando.

§. VIII.

Non possumus, quin hoc loco etiam commemoremus controversiam de re satis frigida ingenti animorum fervore haud ita pridem agitatam. Australes scilicet eruditæ, borealibus populis tarditatem quandam tam corporum quam ingeniorum, a crasso densoque, quem continuo spiramus, aere, derivandam objecerunt, iterum iterumque crepantes: ab austro liberales scientias, a borea mechanicarum artium opificia provenire: illis astrorum & poli, hic rastrorum & soli feliciorem esse culturam. Enimvero bona verba quæsumus & cum Poeta postulamus:

Parcius ista viris tamen objicienda memento.

Mittamus itaque ea, quæ alii hac de re senserint, ac potius dissciamus, quid salva veritate sentiendum sit.

Qui

Qui igitur crassa Hyperboreis objiciunt ingenia, admodum falluntur, sive ex priori suos deducant calcu'os, si ve ipsam consulant experientiam. Concedamus, aërem apud nos densiorem esse; sic autem non male, sed tanto melius nobiscum agitur. Docet enim Experientissimus Professor b. m. LECHE: *Luftens tyngd öker styrcken i våra Fibrai och Ådrar: Ju tyngre Luften är, desto mer trycker den på kroppsens rindlar och kårl, som därigenom blifva trängre - - - Därföre må vi aldrig bättre, än då, när Luften är tung(a).* Si igitur, corpore vegeto, mens quoque eximium sentiat vigorem, quod illi in primis adserunt, qui influxum Climatum in mores adstruant, sequitur ingenia borealia ob eam præcise caussam, quam nobis vitio vertunt australes, apñiora esse egregiis & masculis pensis absolvendis, quam ipsorum tenera indoles. Finge contrarium, scilicet refactum aërem Musis convenire; igitur, cum in tali aere ob diminutum calorem vitalem minus bene valeamus, a valetudinariis optima ingeniorum specimina expectari possent; quod credit Judæus Apella, non ego. Præterea nemo inficias ibit, quin puri spiritus quietos forment animos, impuri contra turbidos. Demonstravimus antem non solum in §. sexta, puriorem esse aërem in terris Arcto vicinis ob rariores evaporationes, verum & hoc ipsum nobiscum contendunt saniores Physici; unde potius formanda foret conclusio, boreales præ australibus ad artium liberalium studia aptiores esse. Nec si ad experientiae tribunal recurramus, causa nostra cadere possumus. In omni enim disciplinarum genere Argyraspidas quosdam preferre valemus, qui præstantissimis exterorum Scriptoribus palmam eruditonis reddant dubiam; quare etiam exteri scripta nostratium nunc legunt, admirantur & suæ linguae habitu induere non deditantur. Esto autem, quod tot systema-

matum centones ex nostris prelis adhuc non prodierint, nec tot compendiorum versionumque plausta passim conspiciantur, utrum Camenæ propterea sub Arcto algent? Quis nescit, quod ex unica schedula meditationum plena, plus proficere liceat quam ex vasto volumine, in quo nullus vel exiguis invenitur eruditionis nucleus. Quid nostros loquamur artifices, quorum multi, recentiori præsertim ævo tantos fecerunt progressus, ut Australes etiam illos dignos judicent, quos ad se arcessant, & lautissimis detineant stipendiis? Hoc unum concedimus, Boreales artibus Histrionicis minus esse idoneos; sed forte Clima nostrum impedire nequit, quod tamen vovemus, quin nepotes exteris & agilitate & mollitie nihil cedant.

(a) Vid. *Orat. om Lustens beskaffenhet i Åbo p. 20.*

§. IX.

Nec a proposito nostro erit alienum, paucis inquirere, an cuilibet genti certus & indelebilis character a Natura sit impressus, qui nulla temporum longævitatem inde oblitterari queat. In hanc sententiam ivit præcipue ingeniosissimus Scriptor LA BEAUMELLE in libello, qui inscribtur: *Mes Pensées* §. 186, ubi ita dislerit: *Le caractère des peuples est invariable. Les Allemands d'aujourd'hui ressemblent trait par trait aux Allemands de Tacite. Claudio a représenté du même coup de Pinceau l'Espagne Ancienne & l'Espagne Moderne - - - Fru-
gum - - Illa ferax & egena licet pretiosa metallis - - -
Principibus fæcunda piis. Le François étoit sous les Cé-
sars ce qu'il ést sous les Bourbons. En voici une preuve
decisive. Un Gaulois pour être admis à la table de l'Em-*

pereur fit présent de deux mille sesterces à l'Officier chargé du soin des invitations. Hoc autem est intra museum sapere, pulcra enim licet sint haec verba, veritatis tamen limam non sustinent: sustinerent autem forte, si ex cœli solique indeole mores populorum dependerent. Sed ut in allatis maneamus exemplis: Quam quæso diversi sunt hodierni Germani ab ipsorum majoribus, quos describit TACITUS. Tanta scilicet est discrepantia qua mores eorum, quanta esse solet inter cultum vitæ genus & iqualidam barbariem. Unde LIPSIUS in notis ad TACITUM exclamat: *O! quam hac nunc aliter! Et Germania oppidis, populis, ingenis, artibus, opibus, cum quavis terrarum contendit.* Quam sedulo Hispani olim colluere agros, tantum post invectos Indiæ Occidentalis thesauros industria ipsorum languet; adeo ut solum fertilissimum passim incultum jaceat. Vanitatis Gallicæ varia memorantur portenta, quare allato veteri geminum est recentius, quo Legatus quidam majorem opum partem dilapidavit, ut dicere modo possit: *Le Roi, Mon Maitre.* Sed nonne constantiae Gallorum plura documenta nobis suppeditat Historia? Verum haec uberius exponere, & parallelissimum quandam morum, habita diversitatis temporum ratione, instituere, brevitas instituti nunc non permittit: sufficiat tantum ostendisse, cui libet nationi non indeleibilem esse indolem, sed mutatio-
ni subjectam.

§. X.

Rejecta communī opinione de influxu Climatū in mores populorum, quid nos statuamus in isthoc argumen-
to, & quibus caussis cum Physicis tum Moralibus
vīm in formandis hominum propensionibus tribuamus,
in

in medium proferre placet. Primum igitur adserimus, arctissimum animam inter & corpus, præstantissimas illas hominis partes, intercedere commercium, licet modum, quo altera pars in alteram agat, non concipere, nedum rite explicare valeamus. Nihilo tamen minus prævia experientia nobis constat, inter utramque adeo amicam esse societatem, ut certos motus corporis certi motus mentis, & vicissim hos illi, semper consequantur. Ulterius quam mens nostra parum externalium rerum sine adminiculo & ministerio sensuum percipiat, adeoque in plerisque casibus sibi constet veterum canon: *Nihil est in intellectu, quod non prius fuit in sensu;* nos autem pro diversa externorum tam ad nos, quam ad se invicem relatione vitam nostram compondere soleamus; hoc etiam modo causæ Physicæ ad qualitatem morum conducent. Nam ex his repræsentationibus oriuntur in nobis affectus, in quibus vel continuandis, vel moderandis vel compescendis haud exigua virtutum ac vitiorum vis sita est. Deinde ipsi semini parentum magnam inesse vim existimamus, sive quis corporis constitutionem, sive animi indolem respiciat. Sicut enim embryo est pars substantiae parentum, quibus & corporis stamina & animam debet, nec pars dissimilis est suo toti; ita quoque utriusque indolem plerumque referunt liberi. Verissime itaque canit Poeta:

Naturæ sequitur semina quisque suæ.

Et licet hæc regula subinde fallat; ut malis boni, bonis mali edantur, & Heroum filii interdum noxæ; tanta tamen mutatio, aliis caussis, de quibus mox agemus, erit tribuenda; siquidem non minus in confessio sit, quod magnus PHILIPPUS majorem genuerit ALEXANDRUM, & Magnus CAROLUS majorem suscepérunt
C 2 GU:

GUSTAVUM ADOLPHUM. Multum etiam ad indo-
lem formandam confert ipsa victus ratio cum ab ipsis
incunabulis tum in proiecta jam ætate. Cum enim al-
limenta quæque in succum & sanguinem nostrum con-
vertantur, facile patet, quam diverse, e tribus diversis
regnis naturæ parta, una cum corpore indolem dispon-
nant nostram. Multum etiam refert, quo genere vi-
ctus, ejusdem licet regni, utamur. Immo infantes hu-
mano plerumque nutriti lacte, diversam tamen cum la-
ete sibi fugunt constitutionem & animi & corporis. Si
omnium rerum copia fruatur gens quæcunque, si quoque
naturæ atque industria muneribus non ad necessitatem &
utilitatem, sed ad voluptatem abutatur, corpus facile ef-
fectum redditur, vel mero æstuans despumat in libidi-
nes, animusque in vecordem oscitantiam, luxatis inglu-
vie fulcris corporeis, propendet. Quare PLATO civi-
bus suis inculcare solebat: *κεφαλαιον οργής παιδίας οργή τρόφη.*
Contra ea si paribili, sed succulento tamen sanoque vi-
etu gaudeat gens, robustum evadit corpus, & animi si-
mul vigor in facie & omnibus corporis motibus pro-
micat. Ulterius quum ex semine, victu, valetudine,
studiorum ratione orientur temperamenta, quæ vel e-
mendari vel corrumphi posse docent Medici; his quo-
que in virtutum cultura aliquantum tribuimus. Ta-
cemos nunc alias caussas partim naturales partim præ-
ternaturales, quæ pro diverso concursu virtutum stu-
dium vel promovent vel sufflamminant. Quibus posi-
tis, nunquam illis album addimus calculum, qui singu-
lis hominibus parem aptitudinem naturalem ad virtutes
& vitia tribuant, omnem morum diversitatem ex di-
versa institutione repetentes; probe gnari, quod ex quo-
vis ligno non fiat Mercurius.

S. XI.

Ex quo demum cunque luto præcordia hominis conflata esse fingamus, caussæ tamen Morales ad naturalem indolem vel in melius provehendam vel etiam corrumpendam plurimum valent. Has inter primum sibi locum vindicat *Juventutis educatio*. Sicut enim natura infantum imbellis est atque imbecillis; ita genio vel ingenio quoque talis, quod instar ceræ molliissimæ se habet, cui quavis imprimi poslunt, vel leviter autem impressæ adeo firmiter hærent imagines sive bonorum sive malorum, ut longissimo temporis intervallo vix ac ne vix quidem inde obliterari queant. Nullum enim tam asperum natura formavit ingenium, quin proba & matura institutione possit emendari ac poliri. Tres itaque heic distinguimus gradus: primus educationis gradus est, quem in parentum nutricumque sinu consequuntur infantes. Hæc nec mollis erit, nec aspera; non morositati liberorum favens, nec tamen teneram eorum alacritatem importuna severitate deprimens. Alteram educationis speciem Præceptoribus debent liberi, qui non modo animum hominum variis disciplinis perpoliunt, sed in primis morum præcepta, virtutum incitamenta & vitiorum avocamenta proponunt, idoneis exemplis confirmant, & simul aciem mentis in id intendunt, ne a recti justique tramite unquam recedant. Tertiam, quæ ipsam morum consistentiam largitur, tunc consequuntur educationem, dum sibi ipsis relinquuntur, ex pulvere in solem prodeentes, aliorum consortio, prout vitæ munerumque ratio postulat, fruuntur. Atque hæc tercia educationis species maximi præcipue est momenti, quum indoles ipsa ad instar elateris compressi tunc

sese exserat, eo quidem liberius, quo magis quisque
 sui se esse juris gloriatur. Deinde ad diversitatem
 indolum haud exiguum symbolam conferunt diversa
 vitæ genera. Nonnulli enim modico studio officii
 partibus satisfaciunt, aliis impigro demum corporis su-
 dore & animi sagacitate necessarium victum & ami-
 cium quasi vendunt fata: alii satis habent, si munus
 suum rite exsequi possint, gloriam non quarentes, conten-
 ti stipendio, quod ipsis largitur Princeps. Alii rursus
 lucrum ex qualibet re percipere operose nituntur. In
 hos fines diriguntur gentium actiones, unde diversi ex-
 istunt habitus, qui diversas formant propensiones si-
 ve ad virtutes sive ad vitia. Alia enim est Populo-
 rum indoles, si respublica bellatrix, alia si navigatio-
 ni vel commerciis dedita, alia si humanioribus artibus
 adsveta sit. Præterea, sicut acas chalybea, a magnete
 vel leviter tacta, vim ab ipso consequitur, sese ver-
 sus polum dirigendi; Ita quoque per commercia cum
 aliis gentibus, foederumque longam consuetudinem, in
 communionem quandam morum deducuntur populi.
 Diurna enim cum aliis conversatio naturæ habitum
 sensim immutat, & alienos mores socialis vitæ exem-
 plo affundit. Unde merito exclamat JUVENALIS: *Ad-*
spice quid faciant commercia. Multum denique ad di-
 versam morum qualitatem conductit diversa imperio-
 rum constitutio. Sicut enim hæc eum in finem sunt
 introducta, ut essent innocentiae præsidia, & pravitati
 hominum naturali atque aliis nocendi libidini firma ob-
 jicerentur repagula, ita quoque per eadem eximie pro-
 movetur virtutum cultura. Quamvis autem nulla sit
 respublica, quæ egregiorum morum studio non efflo-
 rescat; fatendum tamen est, diversam esse virtutum
 conditionem in diversis imperiorum formis. Quod
 ar-

argumentum explicuit quidem illustris MONTES-
QUIEU; nulli tamen dubitamus, quin principia Theo-
retica ab ipso posita sint nimis generalia, adeoque in
manifestam saepe offendant experientiam. Prout au-
tem hæc momenta, quæ attulimus, vel ipsa muten-
tur vel varia ratione inter se combinentur, diversi o-
mnino existunt gentium mores. Sed filum medita-
tio num nostrarum heic abrumpere imperiosa jubet ne-
cessitas; quod restat alia occasione, & quidem pro-
pediem, si DEO visum fuerit, ad umbi-
licum perducturi.

S. D. G.



CHARTULARIUS SICULORUM
TOMUS II

Pereximio atque Eruditissimo
Domino AUCTORI,

CONSANGUINEO HONORATISSIMO.

Tam argumenti, quod Tu, Consanguineo Honoratissimo, delineandum suscepisti, praestantia, quam solida ejus elucubratio, satis superque ostendunt, quam felici successu in egregiis disciplinis fueris versatus. In eo quippe ponderosissimis ostendis ratiociniis, quam lubrico stet talo sententia, quam de influxu Clamatum in Mores Gentium dudum foverunt erudit. Ad hæc cum accedat Amicitia, quam Tecum arctissime conciliandi ipsa cognatio sanguinis ansam mihi præbuit; temperare mibi haud potui, quin ad rostra usque eruditorum Te sequerer, ac candidum sincerumque in te affectum publice testatum facerem. Gratulor itaque Tibi primos hosce honores Academicos, quos Tu, Honoratissime Consanguineo, devoratis molestiis, quæ litterarum Cultores premere solent, tamquam virtutis Tuae præmia brevi consequeris. Gratulor Parentibus Tuis quavis veneratione suspiciendis, filium optimæ spei, blandum illis senectutis otium futurum. Mibi denique gratulor Cognatum & Amicum ad egregia quævis impigro nisi contentem. De cetero, ut & in posterum vigeas floreasque, est, quod ex intimis cordis recessibus exoptat

Tui Amantissimus
CHRISTIANUS SCHVINDT.